



FYLKESMANNEN I  
MØRE OG ROMSDAL



## KOMMUNEREFORMA - NYHENDE NR. 7 – DESEMBER 2015

### NYTT FRÅ KOMMUNANE

**ROMSDAL** I Romsdal er det no stor aktivitet omkring ulike alternativ. Tredje sonderingsmøte om Romsdalshalvøya er 4. januar. Det er også arbeid på gong med alternativa Nasset-Sunndal og Aukra-Midsund, samt fleire nabopratar.

**SUNNMØRE** Forhandlingsutvala i kommunealternativet som har arbeidsnamnet "Ytre Søre Sunnmøre" (kommunane Vanylven, Sande, Herøy, Ulstein og Hareid) hadde sitt første fellesmøte 16. desember. Neste møte er 6. januar, og forhandlingar vil truleg starte i februar.



Forhandlingsutvala i Ørsta og Volda hadde sitt tredje møte 18. desember. Dei har lagt møteplan fram til sumaren. Neste møte er 11. januar, og 20.-21. januar blir det felles kommunestyremøte med kommunereform som tema.



**Ny Landkommune** – (kommunane Vestnes, Stordal, Norddal, Skodje og Ørskog): Første møte i sonderingsgruppa for

kommunereformprosjektet blei gjennomført i Stordal 16. desember. Framdriftsplan og utfordringspunkt var på agendaen på dette møtet.

**NORDMØRE** Prosjektleiar Roland Mauseth i Nordmøre regionråd har i desember reist rundt på temamøter med kommunestyra om kommunereforma. Mauseth meiner at kommunane på Nordmøre er godt i gong med arbeidet. Diskusjonane med andre kommunar har så smått starta – og Mauseth har god tru på at kommunane er i rute etter ei felles milepælsplan.

## FYLKESMANNEN HAR ORDET

Da har vi lagt bak oss eit år med stor aktivitet i kommunanene våre. Kommunane har teke arbeidet med kommuereforma på alvor, og fylkesmannen kan rapportere til Kommunal- og moderniseringsdepartementet at oppdraget i Møre og Romsdal er i god rute.

Fylkesmannen vil nytte høvet til å rose kommunane korleis dei har teke fatt på arbeidet med kommunereforma. Mykje av grunnlaget blei allereie lagt når kommunane rundt årsskiftet i fjor vedtok plan for prosessen vidare. Planane har vorte redigert og supplert undervegs i arbeidet, og tilpassa til felles milepælar i sine regionar.

Fylkesmannen vil også gje honnør til regionråda i måten dei har støtta, koordinert og leia prosessar for kommunane dette året. Utan eit slikt målretta samarbeid mellom kommunane og regionråda i arbeidet med kommunereforma - hadde nok den einskilde kommune måtte teke mykje meir hand om felles prosessar.

Arbeidet med kommunereforma i Møre og Romsdal har vi delt inn i 3 fasar fram til vedtak våren 2016. No har vi gjort unna fase 1 som var oppstartsfasen hausten 2014, og fase 2 som har vore utgreiingsfase i 2015. Kommunane er no klare til å starte med fase 3 som er vedtaksfasen.

## **FORSLAG TIL NYTT INTEKSSYSTEM**

- «Dagens inntektssystem belønner kommuner som velger å være små», seier [Jan Tore Sanner](#). Ordføreren i Gjerstad kommune seier at «dette er bare en fordekt tvangssammenslåing» til [Kommunal Rapport](#).

I [forslaget](#) blir basistilskottet erstatta med reiseavstandar og dei distriktpolitiske tilskotta er føreslått å gå til kommunar med distriktsutfordringar, fordelt etter innbyggartal.

## **KVA HENDER FRAMOVER**

- Fylkesmannen si politikaropplæring: 6. jan. Surnadal, 7. jan. Molde, 13. jan. Ålesund, 14. jan. Ulstein

Kontaktpersonsamling: 29. jan. Molde

Fylkesmannen ynskjer dykk ei fredfull julehøgtid og med ønske om eit riktig godt nytt år.



## **Stopp abonnement**

Hvis du ikke lenger ønsker å motta våre nyhetsbrev kan du

[stoppe ditt abonnement her.](#)



Fylkeshuset, 6404 MOLDE - Telefon: 71 25 84 00 - Telefaks: 71 25 81 00 - E-post: [fmmrpostmottak@fylkesmannen.no](mailto:fmmrpostmottak@fylkesmannen.no)